

加追罰課程者若曾經投稅收課抽分給與小票照正
者再無抽稅今奉行查理合申覆施行具申到府
回報到司案照先據南京兵馬手本送犯人王政等
到司查無客商來京貨賣豬羊抽分投稅事例已經
行查去後今據前因擬合通行除外合就移付前去
本部該司煩為知會施行

清庫藏以免侵欺

成化二十年十二月十四日戶部為乞

照例致仕等事巡按浙江等處監察御史林誠奏稱
陝西山西順天永寧等府荒旱人民缺食加以邊寇
竊發亦缺軍餉臣巡歷地方乃財賦至殷甲於天下只
因利滋弊熟官貪吏暴以致錢糧財庫不歸於公
上而多人於私家謹昧死條陳八事皆為處置在官
之物以為實邊救荒之計等因具本通政使司官奉
聖旨該衙門看了來說欽此欽遵其數內清庫藏禁奢僭二
事合用手本前去都察院經歷司呈堂施行等因到
院今將本官所言清庫藏禁奢僭二事逐一查議明白
開坐具題本月十六日奉

聖旨准擬欽此欽遵

計開

一清庫以免侵數乞

勅都察院轉行各處巡按巡鹽御史并按察司分巡巡鹽等官嚴切清查各府州縣及鹽場係官各項錢糧銀兩預備賑濟倉糧及近年餘糧蕩價先將上司勘合卷簿為主次詣各屬細責各年糧里老人等逐一開報項擬徵收數目隨吊該縣原卷合併揆究自有根因下落就置簿扇開項立為前件以待註銷本簿送巡按御史印縫發回府州縣及布政司收照其巡按御史將滿務要通行查追該年各項係官錢糧其已解未納者開立前件交代追納查欠預備倉糧切照追補若積欠恐致腐壞者定為三年以次遇價稍貴仍平羅出陳易新如此則錢糧有稽考貪吝無侵剋矣

前件查得近該守備儀真等處指揮僉事宋剛題稱訪得各處多有官庫收貯贍罰餘銀并逐年積聚官銀給引錢鈔不計其數中間多有官吏侵盜無憑查照之行清理盤點解京以充國用等因奏該戶部看得本官所奏迺因之計固有而愛國之心恐疎若將各處錦帛一槩括取前來慮恐彼處患出不測則舉手伸縮而輕重係馬合無陝西山西河南見今歲歉民難廣東錢帛又已差官去取難再取用外欽行都察院轉行各該巡按御史將各府州縣收貯贍罰等項錢糧逐一查點明白應起解者俱以三分為率一分留備緩之用內將二分差官押送赴部以備兵荒等因具題奉

聖旨是欽此欽遵已經通行欽遵去後今監察御史林誠又

奏前因除嚴州府及建德桐廬二縣官吏并仁和
場該吏余清盤欠食糧監價等項另行巡按御史
查究外其奏稱各處一應係官錢糧百色侵盜要
將各司府州縣及監場各項錢糧并近年餘糧蕩
價轉行各處巡按巡監御史并按察司分巡巡監等官
嚴切清查巡按御史將滿務要通行查追該年各項
係官錢糧已解未納者交代追納查欠預備倉
糧切令追補若積欠恐致腐壞者定為三年過價稍
貴仍平糴出以陳易新一節緣官吏人等貪姦者
多侵盜之弊在在有之誠如本官所言合行查追但
各處預備倉糧自有原奉

勅旨并戶部節次擬各處巡撫巡按等官督屬司府州縣查照
收放以特如果不敷許令設法糴買勸借務勾賑濟

中間收積年久恐有陳腐亦許交價發買以陳易
新年終各另造冊

奏繳查考俱係是行事例況地方有豐凶唯一槩追徵積糧
有多寡亦准定限糶賣合無仍除陝西山西河南
災重去處一應錢糧暫免查追外欽行南北直隸
督令各府掌印官浙江等處督令分巡分守官各
將一應係官錢糧吊取卷簿查盤明白是在者照依
戶部前項題

准事例施行果有已解未納者通行追納不許因循縱容
侵盜其預備倉糧俱照戶部見行事例查盤整理若有
拖欠未還官者無災去處就便補有災去處俟豐年追
補如有積下數多恐致腐壞待特價稍貴平糶與人出
陳易新以備賑濟每年終各另造冊奏繳查考中間若

有侵欺行弊及輻跡不以時收貯不如法致有腐壞者要追
陪當該官吏人等應提問者提問應衆
奏者衆寃提問如此則貪暴知俱錢糧無虧

崇文門抽分禁革奸弊剎

弘治元年四月初一日戶部尚書李 等題為陳言
振肅風紀裨益治道事該廣東道監察御史張預題
前事抄出刑部看得所題八事皆切時弊合當議擬
開立前件如蒙乞

勅都察院將本官與主事張所言事件通行出榜及曉諭禁
約則積年作弊一旦革除而稅課之增亦不可裨

國家之用失題奉

聖旨供送車輛果係官吏監生軍校家人不係客商串同豪
勢的不必盤驗其餘准擬欽此

計聞

一日嚴關防以免走避臣看得客商慣來京者到
於附近地方令人報知熟識之人時化員下赴分司接